



UNIVERSITETI I TIRANES
FAKULTETI I SHKENCAVE SOCIALE



FILLIMI RRETH FAKULTETIT » DEPARTAMENTET » STUDENTET » KERKIMI DHE BOTIME » NJOFTIME DHE NGJARJE GALERIA KONTAKT

PROJEKTE BASHKEPUNIMI

ERASMUS+ MUNDUS – ELA

RRETH PROJEKTIT	PARTNERËT E PROJEKTIT	EKIPI I PROJEKTIT I FSHS	VEPRIMTARI NDËRKOMBËTARE
VEPRIMTARI LOKALE	PUBLIKIME	MATERIALE MËSIMORE	FOTO DHE VIDEO GALERI
			KONTAKT

Veprimtari të vitit 2017

24 – 30 shtator 2017, Bruksel-Antverp, Belgjikë

Zhvillohet internshipi i dytë trajnues në Bruksel dhe Antverp, Belgjikë. Programi i këtij internshipi kishte dy pjesë. Pjesa e parë u zhvillua në dy ditë në Bruksel. Gjatë dy ditëve u zhvilluan vizita dhe takime në mjediset e Komisionit Evropian dhe të Parlamentit Evropian. Prezantimet dhe diskutimet u përqendruan rreth rolit, politikave, iniciativave dhe veprimtarive të institucioneve evropiane për çështje të arsimit, të bashkëpunimit ndërkombëtar, të modernizimit të arsimit të lartë dhe të Procesit të Bolonjës. Gjatë ditëve të tjera të programit u prezantuan shtatë programet modulare, modulet përkatëse të përgatitura nga universitetet partnere në projekt dhe rastet sipas moduleve. Për çdo modul dhe rast të paraqitur u zhvilluan diskutime dhe u dhanë sugjerime për përmirësime.

Nga Universiteti i Tiranës në këtë takim morën pjesë gjashtë pedagogë të FSHS: Edmond Rapti, Nikoleta Mita, Bardhyl Musai, Gerda Sula, Livia Nano dhe Rovena Sulstarova. Ekipi i FSHS të UT prezantoi dy module dhe pesë raste nga konteksti shqiptar i zbatimit të legjisllacionit në arsim dhe dha mendime për çështjet që u diskutuan.

Nikoleta Mita dhe Livia Nano prezantuan modulën e përgatitur prej tyre me titull: "Legjisllacioni për cilësinë në arsim".

Gerda Sula dhe Rovena Sulstarova prezantuan modulën e përgatitur prej tyre së bashku me Theodhori Karaj të titulluar: "Rregullimi ligjor për arsimin profesional, KEK niveli 5 dhe zbatimi i tij".

Edmond Rapti, Bardhyl Musai, Gerda Sula dhe Rovena Sulstarova paraqitën rastet nga konteksti shqiptar për kompetencat në arsim, për statusin e mësuesit, për cilësinë në arsim, për qeverisjen dhe administrimin në nivel lokal.

Gjatë ditëve të internshipit u krye vlerësimi i brendshëm i cilësisë; u ndoq seanca e mbrojtjes së hapur të doktoratës të zhvilluar në Universitetin e Antverpit, të përgatitur nga Georgia du Plessis dhe u mbajtën takimet e komitetit drejtues të projektit.



4 – 10 qershor 2017, Kaunas, Lituani

Zhvillohet internshipi i parë trajnues në Kaunas, Lituani. Gjatë këtij internshipi u prezantuan tetë programet modulare dhe tetë modulet e përgatitura nga universitetet partnere në projekt; u prezantuan rastet gjyqësore, administrative dhe studimore në përputhje me çështjet e moduleve. Për çdo modul dhe rast të paraqitur u zhvilluan diskutime dhe u dhanë sugjerime për përmirësime.

Nga Universiteti i Tiranës në këtë takim morën pjesë katër pedagogë: Nikoleta Mita, Theodhori Karaj, Gerda Sula dhe Livia Nano. Ekipi i FSHS të UT prezantoi pesë raste nga konteksti shqiptar i zbatimit të legjisllacionit në arsim dhe dha fdbek për modulet e përgatitura nga kolegët e universiteteve partnere.

Gerda Sula prezantoi rastin për procedurat disiplinore ndaj nxënësve dhe dha fdbek për modulën për vlerësimin e mësuesve.

Livia Nano prezantoi rastin për diskriminimin e fëmijëve me nevoja të veçanta në arsim në Shqipëri.

Nikoleta Mita prezantoi dy raste: 1) rast gjyqësor për ndryshimin e rezultatit të provimit të maturës shtetërore të një maturanti në lëndën "Gjuhë shqipe-letërsi" për vitin 2014. 2) rast për vlerësimin e mësuesit në kuadrin e kualifikimit.

Theodhori Karaj prezantoi rastin e Vendimit të Komisionerit për të Drejtën për Informim dhe Mbrojtjen e të Dhënave Personale lidhur me zbatimin e Ligjit "Për Mbrojtjen e të dhënave personale" nga DAR Elbasan, 2016.

Gjatë ditëve të internshipit u krye vlerësimi i brendshëm i cilësisë; u zhvilluan leksione të hapura dhe u mbajtën takimet e komitetit drejtues të projektit.



2 – 4 Shkurt 2017, Moskë, Rusi

Nga 2-4 shkurt 2017 në Moskë, Rusi u zhvillua takimi prezantues i Projektit ELA me pjesëmarrjen e partnerëve të projektit. Gjatë këtij takimi u paraqitën vizioni, qëllimet dhe objektivat e projektit, veprimtaritë e parashikuara në kuadrin e projektit, u prezantua buxheti i projektit dhe u dhanë udhëzime praktike për zbatimin e projektit. Takimi u organizua nga Universiteti i Qytetit të Moskës, Universiteti i Lirë i Brukselit dhe Shoqata Evropiane për Legjislacionin dhe Politikën në Arsim. Sipas programit të takimit, u mbajt edhe leksioni i hapur me temë: “Zhvillimi i të drejtave në arsim të fëmijëve me nevoja të veçanta” nga Elena Shinkareva.



Galeria



Fakulteti i Shkencave

5,743 likes

Adresa:
Tel:
Fax:
Email: fshs.it@unitir.edu.al
Email: info.fshs@unitir.edu.al



Like Page Share

Be the first of your friends to like this

